



Alþingi  
Umhverfisnefnd  
Austurstræti 8-10  
150 Reykjavík

Ísafirði 8. apríl 2010

## Umsögn til umhverfisnefndar Alþingis frumvarp til laga um mannvirki. 138. löggjafarþing 426.mál.

Frumvarpið barst skrifstofu Fjórðungssambands Vestfirðinga með tölvupósti þann 10. mars s.l., gefin var umsagnarfrestur til 26. mars, s.l.. Samkvæmt upplýsingum skrifstofu Sambands íslenskra sveitarfélaga var óskað framlengingu umsagnarfrests til 7. apríl 2010. Fjórðungssamband Vestfirðinga er kunnug umsögn Sambands íslenskra sveitarfélaga um efni frumvarpsins og lýsir stuðningi við efni hennar.

Fjórðungssamband Vestfirðinga vill með þessari umsögn árétta þau markmið vestfirskra sveitarfélaga að skipulag á nýtingu strandsvæða landsins eigi að vera á vegum stjórnáætlunar sveitarfélaga. Um þetta atriði hafa sveitarfélögin áréttað með ályktunum á Fjórðungshingum Vestfirðinga, nú síðast ályktun 54. Fjórðungshings Vestfirðinga frá september 2009.

*Sveitarfélög á Vestfjörðum óska eftir samstarfi við ríkisvaldið um skipulag strandsvæðis Vestfjarða. Það er mat Fjórðungshings að Vestfirðir séu kjörið svæði til þess að þróa aðferðir og reglur í þessum mikilvæga málaflakki, auk þess sem þar má finna sértæka þekkingu og fjölbreyttar rannsóknir á þessu sviði.*

Á grundvelli framangreindrar ályktunar var á vegum Fjórðungssamband Vestfirðinga sett af stað á síðasta ári, verkefni um gerð nýtingaráætlunar fyrir strandsvæði Vestfjarða. Verkefnið er unnið í samstarfi við Háskólasetur Vestfjarða og Teiknistofuna Eik, Ísafirði og óskað hefur verið stuðnings stjórnvalda við verkefnið.

Markmið verkefnisins er eins og lýst er í framangreindri ályktun. En sá drifkraftur sem er hér bak við er að er sú viðleitni sveitarfélaga á Vestfjörðum að efla svæðið með sameiginlegri stefnumótun sem byggi á styrkleikum svæðisins. Þessir styrkleikar felast m.a. í haf- og strandsvæðunum og þeim auðlindum sem þar er að finna. Auðlindum sem núverandi atvinnustarfsemi og samfélög á Vestfjörðum hafa byggt á í aldir og vilja byggja á í framtíðinni. Má í því sambandi m.a. nefna fiskveiðar, fiskeldi, flutninga, ferðaþjónustu, útivist, efnistöku á hafsbotni, landfyllingar, virkjanir, vegagerð og aðra mannvirkjagerð.

Hér eru samfélög á sama hátt og á landi að fjalla um nýtingu auðlinda í sínu nærumhverfi. Það er mat Fjórðungssambands Vestfirðinga að skipulag á nýtingu strandsvæða sé best komið hjá sveitarfélögum og sé þar farið með líkum hætti og með skipulagsgerð á landi. Í a lið 9. greinar frumvarps um laga um mannvirki segir að Byggingarstofnun veiti leyfi fyrir byggingar á hafi utan lögsögu sveitarfélaga. Miðað við



lögsögumörk sveitarfélaga til hafsins í dag 115 metra frá stórstraumsfjöruborði, þá getur nánd slíkra mannvirkja verið mikil. Mætti í því tilviki benda á mannvirki s.s. vindmyllugarðar sem yrðu byggðir á fjörðum og flóum landsins án afskipta eða umsagnar sveitarfélaganna. Fjórðungssamband Vestfirðinga telur hér sé aðkallandi að breyta núverandi lögsögu sveitarfélaga til hafsins frá því sem hún er í dag. Lögsagan nær í dag 115 m frá stórstraumsfjöruborði en taka mætti viðmið af afmörkun sem miðast við tilskipun Evrópusambandsins um vatnsvernd. Vísa má einnig til viðmiðs sem sett var með breytingu lögum nr 13/2001 um kolvetnistarfsemi lög nr 8/2009. Gætu hin nýju mörk þá miðast við 1.852 m eða sem nemi einni sjómílu frá grunnlínupunktum eins og þeir eru skilgreindir um lögum um landhelgi Íslands nr 41/1979. Telji löggjafinn að ekki sé tímabært að stíga þetta skref, þá verður að gera þá kröfu að annars vegar verði sett af stað vinna um þróun aðferðafræði á þessu sviði og hinsvegar verði hið minnsta tryggður umsagnarréttur sveitarfélaganna á þessu svæði.

Benda má hér að lokum hve þetta mál er orðið brýnt. Aukin áhugi fyrir skelrækt við landið hefur kallað á viðbrögð stjórnvalda. Nú liggur fyrir Alþingi frumvarp til laga um skeldýrarækt (þingskjal 911, mál 522) sem gefa sjávarútvegs- og landbúnaðarráðherra vald til að ákveða um skiptingu ræktunarsvæða á strandsvæðinu, án nokkurrar aðkomu eða umsagnarréttar sveitarfélaga, nema þar komið er inn fyrir lögsögu þeirra (115 m frá stórstraumsfjöruborði). Til að setja þetta í samhengi þá ætti iðnaðarráðherra á sama hátt ákvarða án umsagnar sveitarfélaga um uppsetningu vindmyllugarða á strandsvæðinu að fengnu leyfi Byggingarstofnunar, að óbreyttu tillögu að 9. gr frumvarps til laga um mannvirki..

Fjórðungssamband Vestfirðinga

Aðalsteinn Óskarsson, framkvæmdastjóri